



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Decretvm Contra Simoniacos.

urn:nbn:de:hbz:466:1-15625

ANNO
CHRISTI
1059.

X.

Vt cuiuslibet ordinis clericos laici non iudicent, nec de ecclesiis eiificant.

XI.

Vt de consanguinitate sua nullus vxorem ducat vsque ad generationem septimam, vel quousque parentela cognosci poterit.

XII.

Vt laicus vxorem simul & concubinam habens non communicet ecclesia.

XIII.

Vt nullus laicus ad quemlibet gradum ecclesiasticum repente promoueatur, nisi post mutatum habitum sacerdotalem, diuturna conuersatione inter clericos fuerit comprobatus.

Vos ergo hæc & alia sanctorum patrum statuta fideliter & Christiana reuerentia obseruate, si vultis de sanctæ Romanæ ecclesiæ, & apostolicæ sedis pace & communione atque benedictione gaudere.

DECRETVM CONTRA SIMONIACOS.

DOMINVS papa Nicolaus Synodo in basilica Constantiniana præsidens dixit: Erga simoniacos nullam misericordiam in dignitate seruanda habendam esse decernimus; sed iuxta Canonum sanctiones, & decreta sanctorum patrum, eos omnino damnamus, ac deponendos esse apostolica auctoritate sancimus. De iis autem qui non per pecuniam, sed gratis sunt a simoniacis ordinati, quia quæstio a longo tempore est diutius ventilata, omnem modum dubietatis absoluimus: ita vt super hoc capitulo neminem deinceps ambigere permittamus. Quia igitur vsque adeo hæc venenata pernicies haec tenus inoleuit, vt vix quælibet ecclesia valeat reperiri, quæ hoc morbo non sit aliqua ex parte corrupta; eos qui vsque modo gratis sunt a simoniacis consecrati, non tam censuræ iustitiæ, quam * intuitu, in acceptis ordinibus manere permittimus: nisi forte alia culpa ex vita eorum contra Canones eis existat. Tanta quippe talium multitudo est, vt dum rigorem canonici vigoris super eos seruare non possumus, necesse sit vt dispensatorie ad piæ condescensionis studium

Eee iiij

* forte
misericordia
intuitu,

nostros animos ad præsens inclinemus. Ita tamen auctoritate sanctorum apostolorum Petri & Pauli omnimodis interdicimus, ne aliquando aliquis successorum nostrorum, ex hac nostra permissione regulam sibi vel alicui assumat vel præfigat: quia hoc non auctoritas antiquorum patrum iubendo aut concedendo promulgauit, sed temporis nimia necessitas permittendum a nobis extorsit. De cetero autem si quis hinc in posterum ab eo quem simoniacum esse non dubitat se consecrari permiserit, & consecrator, & consecratus non disparem damnationis sententiam subeat: sed vterque depositus pœnitentiam agat, & priuatus a propria dignitate perfistat.

Nihilo minus auctoritate apostolica decernimus, quod in aliis Conuentibus nostris decreuimus, Vt si quis pecunia vel gratia humana, vel populari, seu militari tumultu, sine concordi & canonica electione ac benedictione cardinalium episcoporum, ac deinde sequentium ordinum religiosorum clericorum, fuerit apostolicæ sedi inthronizatus, non papa vel apostolicus, sed apostaticus habetur, liceatque cardinalibus episcopis, cum religiosis & Deum timentibus clericis & laicis, inuasorem etiam cum anathemate & humano auxilio & studio a sede apostolica repellere: & quem dignum iudicauerint præponere. Quod si hoc intra Vrbem perficere nequieverint nostra auctoritate apostolica extra Vrbem congregati in loco qui eis placuerit eligant quem dignorem & utilorem apostolicæ sedi perspexerint, concessa ei auctoritate regendi & disponendi res & utilitatem sanctæ Romanæ ecclesiæ, secundum quod ei melius videbitur, iuxta qualitatem temporis, quasi iam omnino inthronizatus sit.

IVSI VRANDVM
QVOD IN EADEM SYNODO FECIT
BERENGARIVS.

Prima Berengarii ab
iuratio.

EGO Berengarius indignus ecclesiæ sancti Mauricii Andegauensis, cognoscens veram & apostolicam fidem, anathematizo omnem hæresim, præcipue eam, de qua haec tenus infamatus sum: quæ astruere co-natur, panem & vinum, quæ in altari ponuntur, post con-